

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZENICA
GRADONAČELNIK**

Broj: 02-45-21082/23
Zenica, 13.10.2023. godine

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, broj: 12/03, 34/03 i 65/13), člana 25. Uredbe sa zakonskom snagom o ustanovama („Službeni list Republike BiH“, broj: 6/92, 8/93 i 13/94), a u vezi sa odredbama Pravila Javne ustanove „Dom-porodica“ Zenica broj: 01-252/09, 01-768/21 i 01-958/23, u postupku izbora i imenovanja člana Upravnog odbora Javne Ustanove „Dom-porodica“ Zenica, Gradonačelnik Grada Zenice objavljuje

O G L A S

**za izbor i imenovanje člana Upravnog odbora iz reda stručnih radnika zaposlenih
u Javnoj ustanovi „Dom-porodica“ Zenica**

Objavljuje se Oglas za izbor i imenovanje jednog člana Upravnog odbora iz reda stručnih radnika zaposlenih u Javnoj ustanovi „Dom-porodica“ Zenica.

Mandat člana Upravnog odbora koji se bira ovim Oglasom traje do isteka četverogodišnjeg mandata Upravnog odbora Javne ustanove „Dom-porodica“ Zenica imenovanog Rješenjem broj: 02-45-13769/21 od 12.07.2021. godine.

I Opis pozicije

Upravni odbor Javne ustanove „Dom-porodica“ Zenica ima sljedeće nadležnosti: donosi Pravila Javne ustanove Dom-porodica Zenica; imenuje i razriješava direktora; odlučuje o statusnim promjena i promjenama djelatnosti uz saglasnost Osnivača; utvrđuje planove rada i razvoja; utvrđuje godišnji program rada; usvaja program vaspitno-obrazovnog rada; usvaja finansijski plan i godišnji obračun poslovanja; odlučuje o obrazovanju cijene usluga u Domu; odlučuje o svim pitanjima obavljanja osnovne djelatnosti radi koje je Dom osnovan, ako zakonom nije određeno da o određenim pitanjima odlučuje drugi organ Doma; na prijedlog direktora donosi opšte akte Doma, kao i njihove izmjene i dopune, prilikom donošenja ili izmjene i dopune općih akata koji regulišu unutrašnju organizaciju i sistematizaciju radnih mjesta, plata i naknada radnika potrebno je obezbjediti prethodnu saglasnost Osnivača, uz detaljno obrazloženje predloženih izmjena i dopuna pomenutih općih akata; usmjerava, kontroliše i ocjenjuje rad direktora; rješava sva pitanja odnosa sa Osnivačem; odlučuje o korišćenju sredstava iznad iznosa od 20.000,00 KM; odgovara Osnivaču za rezultate rada u Domu; odlučuje o prigovoru radnika na rješenje kojim je prvostepeni organ odlučio o pravu, obavezi i odgovornosti radnika iz radnog odnosa; podnosi Osnivaču najmanje jedanput godišnje izvještaj o poslovanju Doma; vrši i druge poslove u skladu sa Zakonom i Pravilima.

Kandidat mora ispunjavati opće i posebne uslove.

II Opći uslovi za imenovanje su:

1. da je stariji od 18 godina,
2. da je državljanin Bosne i Hercegovine,
3. da nije otpušten iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od 3 godine prije objavljivanja upražnjenje pozicije,
4. da nije pod optužnicom Međunarodnog suda za ratne zločine u bivšoj Jugoslaviji (član IX.1. Ustava Bosne i Hercegovine),
5. da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije BiH („Službene novine Federacije BiH“, broj: 12/03, 34/03 i 65/13),
6. da nema privatni-finansijski interes u ustanovi u čiji se upravni odbor kandiduje,
7. da nije izabrani zvaničnik, nosilac izvršnih funkcija ili savjetnik izabranim zvaničnicima i nosiocima izvršnih funkcija u smislu Zakona o sukobu interesa u organima vlasti Federacije BiH ("Službene novine Federacije BiH", broj: 70/08),
8. da nije direktor ustanove,
9. da nije član nadzornog ili upravnog odbora ili odbora za reviziju ili skupštine, uprave ili menadžmenta, niti u svojstvu ovlaštene osobe nekog privrednog društva ili institucije,
10. da nije osuđivan za krivično djelo i za prekršaj nespojiv sa dužnošću u upravnom odboru, pet godina od dana pravosnažnosti presude, isključujući vrijeme zatvorske kazne,
11. da nije lice kojem je presudom suda zabranjeno obavljanje aktivnosti u nadležnosti upravnog odbora.

III Posebni uslovi za imenovanje su:

1. VSS-VII stepen stručne spreme, odnosno visoko obrazovanje najmanje prvog ciklusa Bolonjskog sistema studiranja koje se vrednuje sa 240 ECTS bodova,
2. najmanje 3 godine radnog iskustva u struci nakon sticanja visoke stručne spreme,
3. sposobnost za savjesno, odgovorno i odlučno obavljanje upražnjene pozicije,
4. sposobnost nepristrasnog donošenja odluka,
5. komunikacijske i organizacijske sposobnosti,
6. rezultati rada ostvareni tokom poslovne karijere,
7. da posjeduje znanje iz oblasti rada i organizacije ustanove,
8. preporuke ranijih neposrednih rukovodilaca.

IV Potrebni dokumenti

Svojeručno potpisana prijava kandidata treba da sadrži kraću biografiju, adresu i kontakt telefon.

Uz potpisanu prijavu treba dostaviti:

1. diplomu o završenom visokom obrazovanju,
2. dokaz o traženom radnom iskustvu nakon sticanja tražene stručne spreme (potvrda iz koje se može utvrditi radno mjesto, tražena stručna sprema za radno mjesto i dužina radnog iskustva),
3. uvjerenje o državljanstvu (ne starije od 6 mjeseci),
4. izjavu kandidata ovjerenu od strane nadležnog organa o činjenicama nabrojanim u tačkama 3. do 9. Općih uslova Oglasa (sve navedene izjave mogu biti tekstualno sadržane na jednom ovjerenom listu i ne smiju biti starije od datuma objave ovog Oglasa).

Uvjerenja kojim se dokazuje ispunjenost općih uslova za imenovanje iz tačke 10. i 11., odgovorni javni službenik će zatražiti od kandidata koji bude predložen za konačno imenovanje. Kandidat koji bude izabran dužan je dostaviti tražena uvjerenja u roku od 5 dana od dana izbora i ista ne smiju biti starija od datuma objavljivanja Oglasa.

Dokumenti koji se prilažu uz prijavu na Oglas moraju biti originali ili ovjerene kopije.

Oglas za podnošenje prijava ostaje otvoren 15 dana od dana posljednjeg objavljivanja, a isti će biti objavljen u „Službenim novinama Federacije BiH“, dnevnom listu „Oslobođenje“ i na web stranici Grada Zenica.

Neblagovremene, neuredne i nepotpune prijave neće se uzeti u razmatranje. Kandidat koji ispunjava uslove Oglasa bit će telefonski i pismeno obaviješten o mjestu i vremenu obavljanja intervjua.

Prijavu na Oglas, sa svim traženim dokumentima, potrebno je dostaviti lično ili preporučeno poštom na adresu:

GRAD ZENICA
Služba kabineta Gradonačelnika
Trg Bosne i Hercegovine broj 6.
72 000 Zenica,
- Komisija za izbor -
sa naznakom:

**“Prijava na Oglas za izbor i imenovanje člana Upravnog odbora
iz reda stručnih radnika zaposlenih u
Javnoj ustanovi „Dom-porodica“ Zenica
- NE OTVARATI“**

GRADONAČELNIK
Fuad Kasumović